

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 16.10.2023թ. թիվ 2317244552 որոշումն անփոփոխ, իսկ վարչական բողոքն առանց բավարարման թողնելու

մասին
<< 18 >> 12 2023թ. 7-13- 12613

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Կարեն Վարդանյանի ՄԴ/105033-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Կարեն Վարդանյանը (ծանուցման հասցե՝ Արմավիրի մարզ, գյուղ Խորոնք, Գայի փողոց, 23 տուն) դիմումով խնդրել է բեկանել Ճանապարհային ոստիկանության վարչական տույժ նշանակելու մասին 16.10.2023թ. թիվ 2317244552 որոշումը՝ նշելով, որ տուգանել են խախտելով սահմանադրությունով ամրագրված իր իրավունքները:

Դիմումի քննարկման արդյունքում պարզվել է, որ դիմումատուին վարչական պատասխանատվության ենթարկելու մասին 16.10.2023թ. թիվ 2317244552 որոշումը ենթակա է կատարման հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները:

<< կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման համաձայն, 1.3՝ գծանշումը բաժանում է չորս և ավելի երթևեկության գոտի ունեցող ճանապարհներին հանդիպակաց ուղղությունների տրանսպորտային հոսքերը (առանցքային գծեր): Նույն որոշման համաձայն՝ 1.3՝ <<Առանցքային գծեր>> գծանշումը հատելն արգելվում է:

Վարչական իրավախախտումների վերաբերյալ << օրենսգրքի 124-րդ հոդվածի 37-րդ մասի համաձայն՝ «Կանգ-գիծ» գծանշման պահանջները չկատարելու համար սույն հոդվածի 1-ին մասով, ինչպես նաև տրանսպորտային միջոցների երթևեկության հակադիր հոսքերն իրարից բաժանող գծանշումների պահանջները չկատարելու համար սույն հոդվածի 2-րդ մասով նախատեսված վարչական իրավախախտումն ունի նվազ նշանակություն այն դեպքում, երբ տրանսպորտային միջոցի անիվներից ոչ մեկն ամբողջությամբ չի հատել գծանշումը, և դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վտանգ չի ստեղծվել, ինչպես նաև այն դեպքում, երբ իրավախախտումն անխուսափելիորեն կատարվել է երթևեկության այլ մասնակցի գործողության կամ անգործության պատճառով:

Ճանապարհային ոստիկանության վարչական տույժ նշանակելու մասին 16.10.2023թ. թիվ 2317244552 որոշման մաս կազմող իրավախախտումն ամրագրած տեսանյութը փաստում է ինչպես 1.3՝ հանդիպակաց հոսքերն իրարից բաժանող գծանշման առկայությունը, այնպես էլ դիմումատուի կողմից 02.10.2023թ. ժամը՝ 11:25-ին գծանշման պահանջը չկատարելը, որը կապված չի եղել երթևեկության այլ մասնակցի գործողության կամ անգործության հետ:

Ինչ վերաբերվում է դիմումատուի պնդմանը՝ տեսանկարահանվելու մասին տեղեկացված չլինելու վերաբերյալ, ապա այն չի կարող դրվել վարույթի հիմքում և վիճարկվող որոշման անվավերության պատճառ հանդիսանալ, քանի որ երթևեկության մասնակիցը պարտավոր է պահպանել ճանապարհային երթևեկության կանոնները անկախ տեսանկարահանող կամ լուսանկարահանող սարքերի առկայությունից:

Այսպիսով՝ վարչական վարույթի ընթացքում հիմնավորվել է, որ դիմումատուին վարչական պատասխանատվության ենթարկելու մասին վերը նշված որոշումն իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 16.10.2023թ. թիվ 2317244552 որոշումը թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում.
3. Սույն որոշման օրինակն ուղարկել Կարեն Վարդանյանին:

Ս. Սարգսյան



Ս. Սարգսյան